

Forfatter: Aakjær, Jeppe

Titel: Udrag fra EN OMLØBER.

Citation: Aakjær, Jeppe: "Bondens Søn ; Vadmelsfolk ; Vredens Børn. - 1919", i Aakjær, Jeppe: *Bondens Søn ; Vadmelsfolk ; Vredens Børn. - 1919*, Gyldendal, 1918-19, s. 328.
Onlineudgave fra Arkiv for Dansk Litteratur: <https://tekster.kb.dk/catalog/adl-texts-aakjaer06val-shoot-idm140079185227520/facsimile.pdf> (tilgået 24. april 2024)

Anvendt udgave: Bondens Søn ; Vadmelsfolk ; Vredens Børn. - 1919

„Det er en skumsk¹⁾ Persown.

Han spolired mæ rejn og baar en Hund ifywr med den forbandede Runsel²⁾, han løber æ Land rundt mej.

Kommer den Slonder mier i mi Gaard, saa ska han sgu faa søen en Ræk af mi Hjætyv, te han ska how æ jen Litt.

Det maa du gjan heis ham fræ mæ og sej.“

„Ja, det er en ildworre Kreatur og en dawle Vringei i Omgaang,“ sagde Daniel.

„I ved jo, te han er rend sammel med wor Folk, men egenlig kommer han wos jo ett ved; som jen aa en hiel anden Folkslaw.

Og det haar en da heller ett laang Tid behov te aa skjønn. For tegg ka kan ett, og gjør nøj vil han ett, og ingenting han forstaar sæ paa.

For aa sætt ham te aa lodde en Rud heiler klink en Gryd — jow! der ska en sgi haar æ!

Nej, saa maatt en da heller sætt en nyfød Baaen te' æ.

Søen er han da saa nøj en sølle Kludderhued.

Og den Krumm, gued Folk gir ham, det skal jo giøres i Brændvin tehoef.

A vii sjel ha en Dram, men der ska da vær en Maad med'æ.

Men han ka aalle faa nok slawn i sæ.

Og saa vender æ Gald sæ i ham, saa snaar han haar faat en Skwat.

Saa vil han i Krammelurris med enhwer. Saa ka han ta en Skid og gjør en Tordenskrald aa og lav en Vejrio og hug om sæ med hans Runsel og skab sæ, te Jøsses, bitte Bøen!

Dersom saa ett der er jen ved æ Haånd, der ka vend ham hans Træskobunder i æ Vejr og hwist ham te en Sid, saa slaar han, misæl, nied, hwor der er nøj aa slaa nied paa.“

Det var af Daniels Fortælling tydeligt at skjønne, at denne „Hvisten til Side“ af den balstyrige Siegi ofte var falden paa hans Kappe.

„Men,“ fortsatte Fortælleren, „jens Kowtehed³⁾ ka jo blyw for tyk.

Og te vi split uklaar i Daa, det stammer akuræat fræ, hwad a nu ska fortæl.“

1) Ondsindet. 2) Knippel. 3) Kaadhed.